

心法要抄  
卷之

心法

心法抄

教学病

天庇山影閣

心法要妙序

册主慧之

嘗深心之者貫道一咒也海禁

是云力文而不貫道一咒也

取兼清者老初尚抗抑

唯述八道徑要久一正心法家語道

是大力福一存策以談玄妙

侯

心法

曠  
人將  
刊布  
淑  
奈  
一  
字  
并  
上  
原  
飛  
至  
其  
而  
後  
之  
雙  
字  
片  
云  
無  
記  
曾  
為  
心  
口  
如  
是  
之  
素  
亦  
如  
魯

義  
公  
之  
鼎  
象  
記  
不  
至  
空  
而  
人  
每

古  
其  
性  
是  
安  
能  
少  
知  
之  
唯  
不  
得  
如  
曠

公  
者  
危  
懼  
為  
上  
字  
如  
此  
與  
能  
謹  
書

心法要抄

曹礪退隱清虛堂述

此事天地不能覆其體山河不能匿其光內窺  
無積駭外望無盈餘八萬大藏收不得諸子百  
家說不得博量聰明所不能知文章句法所不  
能識言之即乖念之則考况以言語筆畫真空  
識量瓶盛法海直饒拈花面壁猶是鉄裹面皮  
不識羞恥無慚學者將卷軸打著藤後頭穿鑿  
如瞎狗盲驢之眼其能和會乎兩箇罪人謗法

不少慎之慎之如見來學者以沒滋味無摸擦  
底話頭盡力提起使自悟入始得

佛云真佛無形真法無相學人作樣求佛求法  
者皆是野狐精外道見若真人迥然獨出不著  
佛求不著法求則雖見地獄種種惡相猶如空  
花雖見諸佛種種勝相亦如兒戲不是強為法  
如是故也然我正法中允聖二見俱錯魔佛二  
道亦錯無允聖解亦錯無魔佛解亦錯佛法本  
空故不可以空更得空佛法本無所得故亦不

可以無所得更得也一段靈光廓然虛豁豈可  
強是非也是故不如常常提起祖師公案盡力  
參究以豁然大悟為入門

教學者病

教學者不叅活句徒將聰慧口耳之學術矍於  
世脚不踏實地言行相違這邊那邊討山討水  
徒費粥飯自被經論賺過一生終作地獄滓非  
濟世舟航也

禪學者病

禪學者習閑成性不求師範野狐窟中徒勞坐  
睡被目前緣起事法未能透脫背都盧博謎子  
者只作依草附木精靈亦非濟世舟航也

三乘學人病

夜繩不動汝疑之為蛇暗室本空汝怖之為鬼  
心上起真妄之情性中立凡聖之量如蚕吐絲自  
纏其身是誰過歟若一念回光則直是菩提正路  
千思萬慮決我心王此心王者言語道斷心行處  
滅



八萬大藏收不得者向上一路三千古佛說不  
及者格外禪旨若已懷虛朗如木石如虛空者  
於道少分相應學者守死語者常為淨潔所拘  
只知內守幽閑不知活向上參究者也如雉已  
過巔但守空林者也

守方便者心如牆壁反以為道滯於空寂無記  
中他人斬頭而不覺如此功夫坐到彌勒下生  
未能打破如戒賢之流也

舍方便者於牆壁上參究絕後再蘇慧光發明

活句者心意識不及處本心王活也比走獸死  
句者心意識及處本心王死也比走狗

禪教起於一念中心意識及處即屬思量者教  
也心意識未及處即屬參究者禪也

祖師所亦皆是一句中八萬四千法門元自具  
足故隨緣不變性相體用頓悟漸修全收全揀  
圓融行布自在無碍元是一時無前後者禪也  
諸佛開示頓悟漸修隨緣不變性相辨用全收  
全揀圓融行事事無碍法門雖有具足有修有

證階依次第先後者教也

禪燈點迦葉之心諸祖相傳其本標舉其名黑  
示其脉正脉相承直傳宗源也

教海瀉阿難之口諸佛相傳其末亦以法義因  
果信解修證此萬代依憑正承流派也

自性中般若常常提起祖師活句盡力參究以  
豁然大悟為入門一切見聞覺知心地不昧  
修相門般若若不知妄本空心本寂真妄別執能  
所相治修習方便為入門一切功用取作心生

分別返照自己面目不慕諸聖解脫者禪家之眼也不說他人是非常省自己過患者禪家之足也故達摩云悟佛心宗等無差互解行相應名之曰祖

### 叅禪門

若欲脫生死須叅祖師禪

冊三慧仁

祖師禪者狗子無佛性話也一千七百則公案中第一公案也天下衲僧盡叅無字話昔有僧問趙州狗子還有佛性也無州云無

一切含靈皆有佛性趙州因甚道無意作麼生  
此無字念念相連行住坐卧相對目前如一團  
火迨之則燎却面門故無佛法知解所着之處  
百不知百不會識情思想不到不可以無心求  
不可以有心得不可以語言造不可以寂嘿通  
擬議得玄沒理路沒心路沒語路沒滋味沒巴  
真無摸擦底工這一念子爆地一破方了得生  
死情識未破則心火熘熘地正當伊玄時但以  
所疑底話頭提撕千疑萬疑只是一疑左來也

不是右來也不是

大抵學者須參活句莫參死句活句下薦得堪  
與佛祖為師死句下薦得自救不了

活句者徑截門也沒心路沒語路無摸捺故也  
死句者圓頓門也有理路有心路有聞解思想  
故也

### 念佛門

念佛者在口曰誦 在心曰念徒誦失念於道無  
益阿彌陀佛六字定出輪迴之捷徑也心則緣

佛境界憶持不忘口則稱佛名號分明不亂如  
是心口相應名曰念佛

梵語阿彌陀佛此云無量壽佛亦云無量光  
十方三世諸佛第一號同名法藏比丘對世  
自在王佛前發四十八願云我作佛時十方  
無央數世界諸天人民以至蚰飛蠕動之流  
念我名十拜者必生我剎中不得是願終不  
成佛云云

先聖云念佛一聲天魔喪膽名除鬼簿蓮出金

池

又懺法云自力他力一遲一速

三種淨觀

阿彌陀佛真金色七寶池中  
大蓮花上坐身長  
丈六兩肩中間向上有白毫  
右旋轉以停心注  
想於白毫

觀世音菩薩立左邊而身紫  
金色手執白蓮花  
其天冠中有立化仗

大勢至菩薩立右邊而身紫  
金色其天冠中有  
一寶瓶



念佛有四種 一口誦 二思像 三觀相

四實相 根有利鈍隨機得入

阿彌陀佛在何方著得心頭切莫忘念到念窮

無念處六門常放紫金光

自性彌陀何處在時時念念不頑忘焉然一日  
如忘憶物物頭頭不覆藏

右自性彌陀頌此思像念佛也利根上智不  
涉口誦行住坐卧語默動靜喜怒哀樂中思  
而念之而已鈍根劣機反此耳

禪頌

無量行門中參禪為第一  
千千萬萬生直坐如  
來室

欲識這箇事須參祖師  
閑發信如大海立志卓  
如山日用四威儀盡力  
起疑團冷談沒滋味話  
頭獨單單識沉心路絕  
丈夫骨應寒

不疑自疑時當人得力  
處到這箇田地可滅生  
死非若不從斯語驢年  
始得去

曆歷提公案莫浮亦莫沉  
虛明如水月綬慧若調

琴病者求醫志嬰兒憶母心  
做功親切處紅日上東岑

活句留心客何人作得雙  
報緣迂謝日間老自  
敢降

要免三途海須參祖師  
禪光陰真可惜慎勿等

閑眠

做功先發憤為法更止  
躬活句疑團破方名大  
丈夫

趙州閑挨子衲僧如打  
開天下老和尚鼻孔穿

却來

西來祖師意栢樹立中庭可笑南詢子徒勞百

十城

念頌

心想一金山手回珠百八返觀念者誰非心亦

非物

此頌思像念佛也

合掌向西方疑心念彌陀平生夢想事常在白

蓮花

念佛纔開口金池已種蓮信心如不退決定禮

金仙

疑心日沒謝娑婆十六觀經聽釋迦無限色拜  
清耳目許多天地一彌陀

西方念佛法決定超生死心口若相應往生如  
彈指一念踏蓮花誰道八千里功成待命歿大

聖來迎爾

參禪即念佛念佛即參禪本性難方便昭昭寂  
寂然 救家五十五位

五十五位者但息心除妄之後得果耶以未滿  
位前若到一級則得少為足生知解法慢末後

入大覺前之曆位悉是幻化無可用處故祖師  
云寧死不踐五十五位云云

教外別傳曲

世尊拈花迦葉破顏乃至出於口而傳之於後  
曰達摩廓然無聖六祖善惡不思讓師車滯鞭  
牛思師廬陵米價馬祖吸盡西江石頭不會佛  
法雲門胡餅趙州喫茶授子泔油玄沙白紙靈  
峯輓毬華山打鼓神山鼓羅道悟作舞斯等先  
佛先祖同唱教外別傳之曲也

大抵禪教皆是似言方便為別傳一機三處傳  
心為三種根機一代所說於是祖師出來摧佛  
見法見者實是挑出教意非毀教也故云雲門  
喫狗子報佛恩也 直指心印無方便

四祖云汝等十二時中信自心即是佛心佛心  
即是自心最上一心法傳之開悟汝等求法者  
應無所求心外無別佛佛外無別心也

真心不緣善惡嗜欲深者根淺是非交爭者未  
通觸境生心者少定寂寞忌機者慧沉傲物高

心者壯我執空執有者皆愚尋文取證者益滯  
苦行求佛者為外執心是佛者為魔起心是天  
魔不起心是陰魔或起或不起是煩惱魔然我  
正法中本無如是事請君知介事決提金剛刃  
回光一念中萬法皆成幻成幻又成病一念須  
放下放下又放下舊來天真面

初發心菩薩修行

一切時中不被一切善惡垢淨有為無為世出  
世間福德智慧之所拘繫名為佛智慧是非好



醜是理非理諸知見情盡不能繫縛處是心自在  
名初發心菩薩修行

大乘人修行

一切聲色無有滯碍善惡是非但不運用不受  
一切法亦不捨一切法名為大乘人修行

禪家知解二字最為病

知解者佛法之大病也荷澤為曹溪之學子者  
以此也維摩經云除去所有法華經云除糞取  
價皆此知解處也是故知解之碍正見一似餒

飯之祭餓鬼一似惡水之汚心田也不如着趙  
州無字也

上根大智自悟處

父母非我親誰是最親者旨龜跛鱉親諸佛非  
我徒誰是最道者汝道與心親丈夫自有衝天  
志不向如來行處行

人人本大平

捧頭取證辜負德山罾下承當埋沒臨齊况復  
牽枝引蔓橫說堅說汚却山僧口塞却禪子耳

良久東塗與西抹豈似天真面目

當人自肯悟處

學者須自到思量不及言語不及處但提舉不  
知三世諸佛從何處出歷代祖師從何處出三界  
衆生從何處來耶久久當人忽然嘿契自肯自  
悟慧光發明打破溲桶然後始得入門

佛說三句

三處傳心第一句 華嚴三轉方便第二句

一代所說第三句

自性中本無凡聖二見二見放下一念獨立現  
前一念者人人本源心亦是一法亦是靈知之  
心衆生心外覓佛滯相求佛故佛在西我在東  
於此名立自性彌陀西方彌陀願學者不惹此  
見

法中本無病鬼

江月軒瀨翁軒号也

江月軒大師謂病僧雲道者曰汝若重病未審  
是何病邪是身病邪是心病邪若身病則身為  
地水火風四大假合是誰病者若心病則心為  
受想行識四蘊假名是誰病者然則痛苦者從

何處來又不知痛者是箇什麼請如此參商者  
來者去驀然省去也至囑至囑這病僧者生死  
二字來處生也不得死也不得天堂不得地獄  
不得畢竟是箇什麼阿也二字君知否病覺元  
來病不故 本法本無見

本法無持犯持戒者小乘見不持戒者衆生見  
直下無心分別不生是為大乘見故學者不守  
於緣起門常常返照自己面日常以祖師語句  
上絕後再甦始得又即著見聞覺知者衆生見

離見聞覺知者小乘見未免邪解即見聞覺知  
超越聲色返求自己者大乘見也

本來面目者自己本分上事本地風光者無生  
境界本體本用之間孤峭玄闕破八識本地  
禪家木人唱拍鉄牛吼哮石馬放光之言皆無  
生中活用死中具活活中具死

師資無傳授處

釋迦貧

迦葉富達摩不西來慧可不往西一

法本具何處覓得

無慧偏見

古者有一老婆使其少女事一道人三十年矣  
一日食畢而後其女相抱曰和尚正伊底時如  
何道人曰枯木倚寒岩三冬無煖氣云云此言  
正是不知習心也如此之見無慧之偏定內守  
幽閑者也祖師亦法堂等閑邪雲門當門劍臨  
濟吹毛劍豈陰界中事也狂機狂慧所不及單  
殺單活好手即令使人人向自己上做工夫須  
自悟是宗師手段

牆壁頌

問你禪和牆壁意非心非道是什麼直須密密  
參詳去始息諸緣見達摩

傳道吟

予聖合天道至誠貫古今乾坤一運止日月同浮  
沉蕩蕩大我大酒酒深也深桐琴非舜樂黃屋  
豈堯心摸寫猶云拙形容亦曰欽禹湯龍帝作  
孔孟風雷音後世衰愈薄其何亂且媿常懷名  
與利唯寶玉標金文士卷中覓武人馬上尋我今空



歎息落髮青山林

贈熙長老

杉澤長老軒子

十年端坐擁心城  
慣得深林鳥不驚  
昨夜松潭風雨惡  
魚生一角鶴三拜

金剛山弥勒峯偶吟

坐斷諸人不所頂  
許多生滅竟安敢  
遊塵鏤隙耽禪久  
碧草連蹊出院稀  
天地豈能籠大用  
鬼神無處覓玄機  
誰知一納千瘡裡  
三足金烏半夜飛

西山之撰此心法使其於心人不費力以易  
悟為志也而後之學者皆似林之之君臣  
互為空桑之物也尔来殆且五十餘載也  
牧羊贖大師一見而狃知其連城之寶一以  
效月蓋之法供一以滿西山之志也秋溪  
有文亦助其贖大師之萬一敬而書謹而識  
時甲辰菊月日大菴山安心寺新刊留賈

主上三殿万歳

特甲辰菊月、大高山安心寺新刊  
留景

施主秩

尹吉 兩主

礪衲二字过错書故

礼祥 兩主

引勸曹雲起兩主

金五比

鄧進

高云

使刀天性 比立

己酉子月 大右山白雲卷

冊主應雲

高

礫初學過錯善故祇祥

帝王秩如心法抄

東運霸府新  
念佛聲

己巳年心要抄  
心要

西島左虛中  
雪露作山



